



UNET – mreža univerziteta bivše Jugoslavije

UNET mreža univerziteta nastala je na osnovama saradnje i zajedničke historije koju dijeli akademska zajednica na području Zapadnog Balkana. Mreža ima za cilj da pruži podršku i potiče razvoj društva znanja i međusobnog razumijevanja, razmjenu kulturnog naslijeđa, te transfer znanja i inovacija.

Ciljevi UNET mreže u obrazovanju su:

- unapređenje kvalitete obrazovanja podrškom međunarodnoj mobilnosti,
- izgradnja platformi za saradnju koje vode do stvaranja zajedničkih programa,
- harmonizacija visokoškolskih sistema u skladu sa Bolonjskim procesom.

Nauka i istraživanje:

- unapređenje regionalne saradnje u oblasti istraživanja i razvoja,
- razvoj saradnje između istraživanja u visokom obrazovanju i poslovnog sektora,
- unaprijediti komunikaciju i mreže koje povezuju akademska istraživanja i visokoškolske ustanove sa istraživačkom panevropskom infrastrukturom.

Umjetnost i kultura:

- omogućiti međukulturalnu razmjenu,
- stvoriti interdisciplinarnе veze između umjetnosti i nauke,
- promovisati ulogu umjetnosti u obrazovanju i društvu.

Sport:

- unaprijediti kulturu sporta u akademskom društvu povećanjem učešća akademskog osoblja i studenata u sportskim aktivnostima,
- poboljšati međunarodnu vidljivost sporta na univerzitetima,
- razviti kompetencije menadžmenta i stvoriti veze između univerziteta i sportskih organizacija.

Univerziteti partneri:

1. Univerzitet Primorska, Koper, Slovenija,
2. Univerzitet u Bihaću, Bosna i Hercegovina,
3. Univerzitet u Tuzli, Bosna i Hercegovina,
4. Univerzitet u Zenici, Bosna i Hercegovina,
5. Josip Juraj Strossmayer Univerzitet u Osijeku, Hrvatska,
6. Juraj Dobrila Univerzitet u Puli, Hrvatska,
7. Univerzitet u Splitu, Hrvatska,
8. Univerzitet u Zadru, Hrvatska,
9. Univerzitet »Mediterranean«, Crna Gora,
10. Univerzitet u Nišu, Srbija,
11. Univerzitet AAB, Kosovo.

Razmjena osoblja (nastavnog osoblja, istraživača, administrativnog osoblja)

Trajanje razmjene: minimalno 5 dana, maksimalno 6 sedmica.

Predavanja/obuke: Formalnosti razmjene uređuju se za svaku konkretnu razmjenu kroz dogovor

kandidata i partnerskih ustanova.

Troškovi: Svi troškovi vezani za razmjenu riješiće se u skladu s dogovorom kandidata i matične ustanove.

Razmjena studenata

Uvjeti: Studenti se biraju prema procedurama uspostavljenim na ustanovi domaćinu.

Trajanje perioda mobilnosti: minimalno tri, maksimalno šest mjeseci za sve oblasti.

Jezik: Primjenjuju se pravila i legislativa ustanove domaćina. S obzirom na međunarodni karakter UNET mreže, ukoliko dođe do potrebe, može se osigurati i nastava ili konsultacije na engleskom jeziku.

Ugovor o učenju: Formalnosti perioda razmjene ugovoriće se između partnerskih ustanova za svaki konkretan slučaj razmjene i mora sadržavati sve detalje o predmetima koje će student slušati na razmjeni. Partnerski univerziteti su se obavezali na priznavanje svih stečenih ECTS po povratku studenta na matičnu ustanovu.

Troškovi: Svi troškovi vezani za razmjenu osiguravaju se u skladu s dogovorom kandidata i matične ustanove.

Univerzitet u Bihaću je prvi partnerski univerzitet koji je realizirao mobilnosti unutar ove mreže. Ured za međunarodnu saradnju je aplicirao za sredstva prema Federalnom ministarstvu obrazovanja i nauke u 2015. godini za razmjenu studenata. Odobrena sredstva iskorištena za finansiranje jednosemestralne mobilnost 2 studenta sa Ekonomskog fakulteta UNBI na Sveučilištu u Zadru (zimski semestar 2016/2017).

Sve dodatne informacije zainteresirano osoblje i studenti mogu pronaći na internet stranici <http://www.unet.upr.si>, a pomoć pri aplikaciji i samoj razmjeni u Uredu za međunarodnu saradnju Univerziteta u Bihaću (e-mail: alma.bosnic@unbi.ba)